

Акафист

святым мученикам Адриану и Наталии

Празднование 8 сентября (26 августа)

Кондак 1

Избранныи служителие Божии и всехвальнии мученицы Христови, всю мира сего суету презревшии любве ради ко Христу, Сыну Божию, и живот свой положившии, яко жертву непорочную и чистую, паче желая прияти мучения и смерть, неже отрещися Бога истиннаго, восхваляем вы любовью, святии Адриане и Наталие! Вы же, в веселии предстояще Престолу славы Господни и выну наслаждающесе Того лицезрением, молитесь о нас, грешных, с верою и благоговением к вам притекающих, да благодарственно вопием вам:

Радуйтесе, святии Адриане и Наталие, мученицы Христови всехвальнии и страдальцы непобедимии!

Икос 1

Ангельскою ко Господу горящи любовью, непрестанно возсылала еси усердныя молитвы к Богу Спасителю твоему, Наталие всеблаженная, да просветит лучем Своея благодати помраченное сердце супруга твоего и обратит е к познанию Его, Творца и Владыки твоего, дондеже Царь царей услыша слезныя прошения твоя и коснуса сердца Адрианова, и абие уверова супруг твой от всея души, и бодренным сердцем претерпе лютейшия муки, и самую смерть за Христа не убояся прияти. Темже благоговейно удивляющесе вашей ко Христу любви и

ревности по Бозе, радостно взываем вам:

Радуйтесь, светильницы всесветлии, горящие любовью Божественною; радуйтесь, столпы непоколебимии противу озлоблений идолослужителей нечестивых. Радуйтесь, Крест Христов с терпением и преданностию понесшии; радуйтесь, сим победы святыя знаменем победившии диавола и его козни посрамившии. Радуйтесь, нетления венцы восприявшии и славою от Господа венчаннии; радуйтесь, яко ныне на Небеси предстоите Престолу Вседержителеву и молитесь за ны, грешныя.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 2

Видя Господь чистоту сердца твоего, Адриане всечестне, аще и помраченнаго тьмою многобожия, обаче готоваго прияти Истину, благоволи призвати тя в чудный Свой свет и открыти тебе двери Царствия Своего, молитвами святыя супружницы твоея, с неюже в веселии взывал еси Триединому Богу, просветившему твою душу, хвалебную песнь: Аллилуиа.

Икос 3

Разум истиннаго боговедения внезапно объя душу твою, Адриане, егда, по повелению цареву, вписывал еси с прочими нотариии имена святых мученик, на страдание и смерть за имя Христово ведомых, егда бо вопрошил еси служителей Господних, кое воздаяние имут прияти от Господа во Царствии Его за вся муки,

тии отвещаша ти, яко несть мощно брэнному языку изрещи и уму слабому постигнути, яже уготова Бог любящим Его. Ты же, абие оставль все идольское зловерие, всем сердцем ко Христу устремился еси и возопил еси дерзновенно: «И аз христианин есмь!» Почитающе убо твое обращение ко истинному Солнцу Правды молим тя, прими вкупе с супружницею твоею, святою Наталиею, от нас, грешных, похвалы сицевыя:

Радуйтесь, истиннаго Бога святии служителие; радуйтесь, Того воли ревностнии исполнителие. Радуйтесь, яко вся красная и сладкая мира сего любве ради Христовы презрели есте; радуйтесь, яко любовь земную и супружеское счастье в жертву Возлюбившему вы принесли есте. Радуйтесь, научающи нас не прилеплятися к земным благам, но возноситися духом горе, к Богу; радуйтесь, немощь нашу просвещающи и восходити на лествицу святыни нам помогающи.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 3

Силою свыше укрепленный, шествовал еси, блаженне, мужественно на предлежащий ти подвиг, жаждая умрети за возлюбленнаго Спасителя и Бога твоего. Супружница же твоя, святая Наталия, молитвами и увещаниями помогаше ти подъяти крест, от Господа тебе посылаемый, и прияти и венец нетления, уготованный ти на Небесах, и дерзновенно Богу воспевати: Аллилуиа.

Икос 3

Имеяй изыти на беззаконное судище Максимианово, затворен был еси в темницу мрачную, идеже с прочими святыми мученики всю ночь в молитвах, песнопениях и беседах духовных провел еси. Любвеобильная же супружница твоя, немощь женскую презревши и естественную любовь плотскую ни во чтоже вменивши, всячески тя убеждаше не отступить от веры Христовы, но до конца пребыти непоколебимым исповедником имене Иисусова и не бояться смерти. Темже вам, яко истинным воином Христовым, в духовном веселии взываем:

Радуйтесь, правоверия мужественнии ревнителие; радуйтесь, зловерия неустрашимии обличителие. Радуйтесь, терпением, яко крепкою броней, облекшиися; радуйтесь, Крест Христов яко непобедимое оружие в руке приемшии. Радуйтесь, яко беззаконных мучителей преестественным мужеством вашим удивили есте; радуйтесь, яко вами имя Божие прославися.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 4

Бурю малодушия и боязни от сердца твоего отгоняючи, славне Адриане, и на подлежащий мученический подвиг тя укрепляючи, блаженная жена твоя Наталия всю ночь не преставаше с тобою беседовати о чудном и велицем воздаянии, еже Бог уготова за Него живот свой положившим, и тако вещаше тебе: «Блажен еси, господине мой, яко обрел

еси сокровище безценное, драгоценный бисер – Христа Господа твоего! Не отступай паки во тьму идольскую, но выну пребывай верен Возлюбившему ты, вопия Ему от всего сердца: Аллилуиа».

Икос 4

Слыша святая Наталиа, в дому своем сидящая, яко грядеши к ней из темницы, и возмневши, яко мук убоялся еси и отверглся еси Христа, плакася горько и, предтекши тебе из дверей дома, нача укоряти тя, почто от веры Христовы отступил еси. Ты же, радуяся духом и паче укрепляяся на страдания, со слезами ей поведал еси, яко не токмо не отступил еси от Христа, но паче желаеши за имя Его Святое страдати. Таковой высоте любви христианския удивляющесе, со умилением вам взываем:

Радуйтесь, образ истинный супружества христианскаго явившии; радуйтесь, любовь небесную в себе поистинне показавшии. Радуйтесь, на подвиг самоотвержения Христа ради нас одушевляющии; радуйтесь, вся красная мира сего преходящаго презирати нас научающии. Радуйтесь, дольняя оставляти и духом взлетати к горним нас увещающии; радуйтесь, во всех, бываемых с нами, волю Божию зрети нам помогающии.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 5

Чудное милосердие и любовь показующи, о Наталие, припадала еси к ногам узников, в темнице вкупе с мужем твоим за имя Христово заключенных,

и священные язвы их лобызаящи, отирала еси гной их, облегчение и отраду всячески им содеяв и в сердечном умилении к Богу Небесному вопиющи ангельскую песнь: Аллилуиа.

Икос 5

Узрев мучитель злочестивый узники святыя, в темнице с тобою затворенныя, толикаго от ран изнеможения достигшия, яко отнюд не мощи им претерпети лютейшия муки, повеле единого тя, Адриане, привести пред судище свое и всячески тя увещеваше отрещися Христа, устрашая тя подлежащими муками. Обаче, выше укрепляемый и блаженною супругою твоею утешаемый, пребыл еси тверд, аки адамант, противу искушения вражескаго. Сего ради твое за Христа страдание любовью ублажающе и святую супружницу твою величающе, радостно вам взываем:

Радуйтесь, Бога Вышняго победоноснии служителие; радуйтесь, веры Христовы громогласнии исповедницы. Радуйтесь, идольския прелести дерзновеннии обличителие; радуйтесь, славы Божия неустрашимии проповедателие. Радуйтесь, Максимианова гнева не убоявшиися; радуйтесь, того ярость ни во чтоже вменившии.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 6

Проповедник велегласный явился еси, Адриане, егда, предстоя судищу цареву, небоязненно исповедывал еси Христа быти Бога истиннаго,

сотворившаго небо и землю, идольскую же прелесть обличил еси, и за сие исповедание и обличение жесточайшее биение подъял еси, к Подвигоположнику твоему вопия: Аллилуиа.

Икос 6

Свет славы Небесныя осия лице твое, мудрый страдальче, егда по чреву биемый, яко и утробе твоей излятися от жестоких ударов, не преставал еси славити Христа и пред всем народом имя Его Святое исповедати. Блаженная же Наталиа радовашеся духом, зрящи терпение твое и мужество, и молитвенно тя укрепляше, да не изнеможет душа твоя и да пребудеши до конца верный слугитель Христов, ей же вкупе с тобою мы, грешнии, воспеваем сице:

Радуйтесь, Духа Святаго священная жилища; радуйтесь, благодати Христовы славная вместилища. Радуйтесь, душевно и телесно светом Божественным осияваемии; радуйтесь, от Христа Царя свыше просвещаемии. Радуйтесь, силою Божества Его укрепляемии; радуйтесь, на подвиг страдания небоязненно шествовавшии.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 7

Хотя царь злочестивый паки тя призвати на судище, славне Адриане, в темницу тя затвори с прочими святыми мученики, идеже приступи к тебе Наталиа святая и нача терпение твое ублажати и укрепляти тя, глаголющи: «Блажен еси, господине

мой, яко сподобился еси чести святых мучеников Христовых!» С неюже радуясь, Богу взывал еси: Аллилуиа.

Икос 7

Новую кознь измышляя мучитель злый, повеле воем своим отнюд не впускати в темницу к узником жен, из града приходящих утешения ради и облегчения страдальцев Христовых. Тогда и тебе, святая Наталие, возбранено бысть мужа твоего видети и служити ему; обаче повеление цареву небрегши, в мужеском одеянии в темницу приходила еси и якоже прежде святого супруга твоего подкрепляла еси, да мужественно грядет на мучения и смерть за Христа Господа. Сего ради достойно восхваляем тя вкупе со святым мужем твоим и сице вам вопием:

Радуйтесь, служителей Христовых украшение пресветлое; радуйтесь, исповедников имене Иисусова велелепная славо. Радуйтесь, путь узкий возлюбльшии и нам его указующии; радуйтесь, яко путем сим тихаго пристанища, Царствия Христова, достигосте. Радуйтесь, яко ныне в славе и блаженстве нескончаемем пребываете; радуйтесь, яко нас молитвами вашими от бед и напастей сохраняете.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 8

Странное и чудное зримо бысть в темнице, идеже заключен был еси, Адриане, с прочими страдальцы Христовыми, егда по повелению грознаго мучителя

голени твои сокрушати хотяху. Тогда бо святая жена твоя сама подъя нозе твои и положи их на наковальню, да пребиются от рук мучительских, и ты скорее соединишися с Господем твоим, воспевая непрестанно Ему: Аллилуиа.

Икос 8

Весь горя любовию ко Христу, мучениче Адриане, в терпении пребывавал еси до самыя блаженныя кончины твоея, егда чистая душа твоя с Господем твоим соединишися, за Егоже имя толико страдал еси, яко и руце твоей отсеченной быти. Почитающе убо твою мученическую кончину, верую тебе и святей Наталии взываем:

Радуйтесь, душевные муки вкупе с телесными за Христа претерпевшии; радуйтесь, крилами небесныя любве горе к Богу возлетевшии. Радуйтесь, яко орли, к Солнцу Правды воспарившии; радуйтесь, к Свету Невечернему из юдоли плача возвысившиися. Радуйтесь, в сонме святых мученик водворившиися; радуйтесь, вкупе со всеми святыми на Небесех чудную песнь Боту воспевавшии.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 9

Вся гордыня мучителя безчеловечнаго посрамлена бысть, егда сильный дождь погаси пламень огненный и не допусти сгорети честным останком святых мученик Христовых, еще же и град весть потоплен бысть водою, и люди нечестивии громом и молниею устрашени быша. Ты же, блаженная Наталиа, в

веселии воспевала еси Христу, вся благоустраивающему: Аллилуиа.

Икос 9

Витийство похвал земных не довлеет ко восхвалению подвигов ваших, святии мученицы Христови Адриане и Наталие, ов убо о временней славе и величии земном небрег, вся остави и положи душу свою за веру во Христа, ова же, естественную женскую немощь преодолевши, мужески подвизася, укрепляючи супруга своего в его мучениих и радуящися его блаженней кончине. Толика деяния ваша достойно восхвалити недоумеюще, с любовью вам взываем:

Радуйтесь, бодренным сердцем Крест Христов на рамо подъемшии; радуйтесь, под тяжестью его не изнемогшии. Радуйтесь, подражателие Христовых страстей бывшии; радуйтесь, плоть вашу со страстьми и похотьми распявшии. Радуйтесь, образ любве и кротости в себе показавшии; радуйтесь, друг друга тяготы носить нас научившии.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 10

Спасти хотя телеса святых мученик от поругания и безчестия, прииде некий благочестивый муж с женою своею ко святей Наталии и прочей братии христианстей, прося их соизволити ему, да возмет с собою в Византию святых мощи и положит их тамо честно до времени, егда умрет Максимиан злочестивый. Христиане же града Никомидии

соизволиша прошению сего мужа и препоручивше ему многоценное сокровище Богу радостно вопияху: Аллилуиа.

Икос 10

Яко стеною ограждаеми есмы вашими святыми молитвами, святии Адриане и Наталие, се во всяких бедах и напастех наших нам всегда помогаете, наипаче же егда память вашу с любовью празднуем и славим о вас Христа Бога нашего. Сохраняемии убо вашими теплыми о нас молитвами, верно восхваляем вас званием сими:

Радуйтесь, о нас к Богу непрестаннии молитвенницы; радуйтесь, любовью к нам горящии теплии наши помощницы. Радуйтесь, скории заступницы наши и наставницы; радуйтесь, учителяе наши, жити богоугодно нас научающии. Радуйтесь, любвеобильнии друзи наши, к немощем нашим снисходящии; радуйтесь, на высоту девственных чистоты и безстрастия нас возводящии.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 11

Пение Богу от всего сердца приносила еси, блаженная Наталие, егда избави тя от руки трибуна, желавшаго тя себе в жену пояти. Ты бо, яко верная супруга мученика Христова Адриана, не восхотела еси второе посягнути за мужа и с молитвою бежала еси, седши на корабль, в Византию, идеже тело святаго мужа твоего положено бысть. Достигши убо града сего, с любовью взывала еси Господу Богу:

Аллилуиа.

Икос 11

Светильник пресветлый явися корабль, на немже морскую пучину проплыла еси, имея с собою многоценный бисер, руку святого мужа твоего, егоже молитвами преследования трибуна избегнувши, невредимо Византия достигла еси и, с радостною душею лобызаючи тело блаженнаго господина твоего, в душевном умилении душу твою в руке Господни предала еси. Величающе убо твое ко Господу отшествие вкупе с Адрианом святым, воспеваем вы сице:

Радуйтесь, супрузи блаженнии, на земли в любви пожившии и по смерти не разлучившиися; радуйтесь, ближнии друзи Господни, у Престола Его пребывающии. Радуйтесь, лицезрением Его всесветлым выну наслаждающиися; радуйтесь, блаженство вечное всецело вкушающии. Радуйтесь, в селениих праведных упокоение обретшии; радуйтесь, на земли святая мощи своя на исцеление нам оставившии.

Радуйтесь, святии Адриане и Наталие, мученицы Христови всехвальнии и страдальцы непобедимии!

Кондак 12

Благодати исполненнии сосуди показашася честныя ваша мощи, Христом Богом нам дарованныя, к нимже усердно притекающе святии мученицы Христови, грехов разрешение молитвами вашими приемлем, всем сердцем вопиюще Богу: Аллилуиа.

Икос 12

Поюще честное ваше страдание и блаженную кончину, еуже въздосте в Горняя, ко всем святым, от века Богу угодившим, хвалим вас, всеславнии мученицы Христови, Адриане и Наталие, и усердно молим непрестанно поминати у Престола Славы нас, ублажающих вы сице:

Радуйтеся, мученицы прехвальнии и доблии воини Христови; радуйтеся, непобедимии страстотерпцы и победоносцы славнии. Радуйтеся, истинныя веры поборницы изряднии; радуйтеся, добродетелей светильницы неугасимии. Радуйтеся, углие, любовь Божию горящими; радуйтеся, венценосцы, небесными благами от Христа венчаннии.

Радуйтеся, святии Адриане и Наталие, мученицы Христови всехвальнии и страдальцы непобедимии!

Кондак 13

О святии мученицы Христовы, Адриане и Наталие! Услышите нас, усердно вам молящихся и в храм ваш притекающих, и молитесь милостиваго Владыку Господа нашего Иисуса Христа даровати нам мир и здравие душ и телес, и спасти души наша, да выну поем Ему: Аллилуиа.

(Этот кондак читается трижды, затем икос 1 и кондак 1)

Икос 1

Ангельскою ко Господу горящи любовью, непрестанно возсылала еси усердныя молитвы к Богу Спасителю твоему, Наталие всеблаженная, да просветит лучем Своея благодати помраченное сердце супруга твоего и обратит е к познанию Его,

Творца и Владыки твоего, дондеже Царь царей услыша слезныя прошения твоя и коснуся сердца Адрианова, и абие уверова супруг твой от всея души, и бодренным сердцем претерпе лютейшия муки, и самую смерть за Христа не убоясь прияти. Темже благоговейно удивляющесе вашей ко Христу любви и ревности по Бозе, радостно взываем вам:

Радуйтесе, светильницы всесветлии, горящии любовию Божественною; радуйтесе, столпи непоколебимии противу озлоблений идолослужителей нечестивых. Радуйтесе, Крест Христов с терпением и преданностию понесшии; радуйтесе, сим победы святыя знаменiem победившии диавола и его козни посрамившии. Радуйтесе, нетления венцы восприявшии и славою от Господа венчаннии; радуйтесе, яко ныне на Небеси предстоите Престолу Вседержителеву и молитесе за ны, грешныя.

Радуйтесе, святии Адриане и Наталие, мученицы Христови всехвальнии и страдальцы непобедимии!

Кондак 1

Избраннии служителие Божии и всехвальнии мученицы Христови, всю мира сего суету презревшии любве ради ко Христу, Сыну Божию, и живот свой положившии, яко жертву непорочную и чистую, паче желая прияти мучения и смерть, неже отрещися Бога истиннаго, восхваляем вы любовию, святии Адриане и Наталие! Вы же, в веселии предстояще Престолу славы Господни и выну наслаждающесе Того лицезрением, молитесе о нас, грешных, с верою и

благоговением к вам притекающих, да благодарственно вопием вам:

Радуйтесь, святии Адриане и Наталие, мученицы Христови всехвальнии и страдальцы непобедимии!

Молитва

О священная двоице, святии мученицы Христовы Адриане и Наталие, блаженнии супрузи и доблии страдальцы! Услышите нас молящихся вам со слезами, и низпослите на ны вся благопотребная душам и телесем нашим, и молитве Христа Бога, да помилует нас и сотворит с нами по милости Своей, да не погибнем во гресех наших. Ей, святии мученицы, примите глас моления нашего и избавите ны молитвами вашими от глада, губительства, труса, потопа, огня, града, меча, нашествия иноплеменников и междоусобных брани, от внезапных смерти и от всех бед, печалей и болезней, да присно вашими молитвами и предстательством укрепляеми, прославим Господа Иисуса Христа. Ему же подобает всякая слава, честь и поклонение, со Безначальным Его Отцем и Пресвятым Духом, во веки веков. Аминь.